



Broj: 05-5199-5/17

Sarajevo, 20. 03. 2017. godine

Na osnovu člana 64. stav (1) tačka b) Zakona o javnim nabavkama („Službeni glasnik BiH“, broj: 39/14, u nastavku: Zakon), člana 70. stav (1), (3) i (6) Zakona, preporuka Komisije iz Zapisnika o pregledu i ocjeni ponuda broj: 05-5199-4/16 od 06. 03. 2017. godine (lot 1), 05-5199-4-1/16 od 06. 03. 2017. godine (lot 2) i 05-5199-4-2/16 od 06. 03. 2017. godine (lot 3) i člana 22. Statuta Agencije za bankarstvo Federacije BiH („Službene novine Federacije BiH“, broj: 42/04), direktor Agencije za bankarstvo Federacije BiH donosi

O D L U K U

o izboru najpovoljnijih ponuđača u postupku nabavke informatičke opreme

I.

Prihvataju se preporuke Komisije za provođenje postupka javne nabavke informatičke opreme za potrebe Agencije za bankarstvo Federacije BiH (u nastavku: ugovorni organ) broj i datum iz uvodnog dijela ovog akta i ugovori za javnu nabavku predmetne robe dodjeljuju se sljedećim privrednim subjektima, kao najbolje ocijenjenim ponuđačima po predmetnom postupku javne nabavke:

- 1) „Kodeks“ d.o.o. Sarajevo, za LOT 1
- 2) „MMCC“ d.o.o. Sarajevo, za LOT 2
- 3) „QSS“ d.o.o. Sarajevo, za LOT 3

II.

Ukupna vrijednost ugovora iz tačke I. ove odluke – po lotovima, bez uračunatog poreza na dodatnu vrijednost (PDV), iznosi:

- 1) Lot 1: 65.889,00 KM
- 2) Lot 2: 62.415,94 KM
- 3) Lot 3: 101.583,00 KM

III.

Po okončanju roka za žalbu, ugovorni organ će s izabranim ponuđačima zaključiti ugovor kojim će regulisati međusobna prava i obaveze.

IV.

U skladu s članom 70. stav (6) Zakona, Agencija će objaviti ovu odluku na svojoj internetskoj stranici www.fba.ba, istovremeno s upućivanjem iste ponuđačima koji su sudjelovali u ovom postupku.

V.

Ova odluka stupa na snagu danom donošenja i dostavlja se svim ponuđačima koji su sudjelovali u postupku javne nabavke, saglasno članu 71. stav (2) Zakona.

OBRAZLOŽENJE

Odlukom o pokretanju postupka javne nabavke informatičke opreme, broj: 05-5199/16 od 03. 12. 2016. godine, odobreno je provođenje postupka javne nabavke predmetne opreme za potrebe ugovornog organa. Javna nabavka provedena je putem otvorenog postupka nabavke, a kriterij za dodjelu ugovora je najniža cijena tehnički zadovoljavajuće ponude. U skladu s članom 35. Zakona, Obavještenje o nabavci broj: 3010-1-1-17-3-2/17 objavljeno je na Portalu javnih nabavki (www.ejn.gov.ba) 18. 01. 2017. godine.

Prema uslovima navedenim u tenderskoj dokumentaciji (u nastavku: TD) predmet nabavke podijeljen je na tri lota, sa slijedećom procijenjenim vrijednostima nabavke – bez poreza na dodanu vrijednost:

- Lot 1: 74.800,00 KM
- Lot 2: 68.000,00 KM
- Lot 3: 113.400,00 KM

U skladu s Odlukom direktora ugovornog organa imenovana je Komisija za javne nabavke, kojom su definisane njene nadležnosti, koje uključuje poslove otvaranja, pregleda i ocjene ponuda, te davanje preporuke za odabir najpovoljnije ponude.

Slijedom navedenog, komisija je u okviru svojih nadležnosti i ovlaštenja provela predmetni postupak nabavke, te o tome sačinila zapisnike o pregledu i ocjeni ponuda – po lotovima, u kojima je utvrđeno da je broj pristiglih ponuda po lotovima slijedeći: a) lot 1: sedam ponuda, b) lot 2: šest ponuda i c) lot 3: šest ponuda.

U zapisnicima tog radnog tijela dalje je navedeno da su sve ponude, s obzirom da zadovoljavaju kvalifikacijske uslove nadmetanja - po svim zadanim elementima, ocijenjene kao prihvatljive za ugovorni organ.

Na osnovu izvršene analize i ocjene pristiglih ponuda u pogledu kvalifikacijskih i cjenovnih uslova nadmetanja, komisija je primjenjujući zadani kriterij najniže cijene tehnički zadovoljavajuće i prihvatljive ponude dala preporuke da se, saglasno članu 69. stav (1) tačka a) Zakona, ugovori u predmetnom postupku javne nabavke ove robe dodijele ponuđačima, po lotovima, kako kako je navedeno u tački I. ove odluke.

U postupku razmatranja prijedloga komisije utvrđeno je da je ocjena kvalificiranosti ponuđača te ponuđenih cjenovnih uslova izvršena pravilno i u skladu sa zahtjevima iz TD, te da je njena preporuka da se navedeni privredni subjekti izaberu za najpovoljnije ponuđače po ovom predmetu nabavke zasnovana na odredbama Zakona i podzakonskih akata koji su doneseni u skladu s tim propisim.

Uvažavajući sve navedeno, odlučeno je kao u tački I. ove odluke.

POUKA O PRAVNOM LIJEKU:

Protiv ove odluke može se izjaviti žalba Ugovornom organu – Agenciji za bankarstvo Federacije BiH, najkasnije u roku od 10 (deset) dana od dana prijema ove odluke, saglasno članu 97. i 101. Zakona.


DIREKTOR
Jasmin Mahmužić

Dostaviti:

- svim učesnicima u postupku
- a.a.